

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Vesillo.

**urn:nbn:de:hbz:466:1-14259**

**E**x his itaque factum ut Aegyptii vespillonem sacrorumque tutelarem, adituumq; libitinarium per Canis effigiem indicarent, observato firmo illo immobilique obtutu, quo animal id ipsa Deorum hominumque simulacra custodia sua credita, contemplatur. Nam cum apud Aegyptios cadavera vitro condita, non adipe suillo, ut nonnulli sunt interpretando decepti, in longum tempus affervarentur, erantq; & libitinarii quibus cura erat ea custodire, eo spectare crediderim Canem apud Maffeos Roma in pulcherrimi operis cippo humi jacentem, surrecto vero capite inscriptionem, qua hujusmodi est, intuentem.

POST.



SUIS.

## GRATUS ANIMUS. CAP. VII.

**N**eque tamen ignoro esse aliquos, qui hujusmodi hieroglyphicum, quo scilicet Canis vel simu-  
lacrū aliquod, vel conditum cadaver intueretur, hominem beneficii accepti memorem signi-  
ficare contendant. Canis porro illos, qui de se benemeriti fuerint nunquam oblivioni tradit, cuius  
rei paulo post mirifica quædam exempla subjiciemus.

## MEMORIA. CAP. VIII.

*Macrobius in Saturn. c. 20. sub fin.* **U**nde & memoria simulacrum Canis est, quæ scilicet circa præterita versatur: & in prudentia tri-  
cipitio, id sibi vult caninum caput, cum Leoninum, intelligentiam, & præsentium consideratio-  
nem: Lupi vero caput providentiam, ac perinde futura indicet, quod alibi diffusus explicavimus.  
Socrates quoque tunc per Canem jurat in Phædro, cum illam Lysias orationem memoria tradidisse  
firmiter arbitratur.

*C. Mamilius nummus.*

**I**n Phædrone vero per Canem jurat, cum puta fidem & obsequium præstandum iis, qui rerum ha-  
benas in civitatibus moderantur. Sane C. Mamilius nummus est, qui limitibus metandis S.C. præfectus  
aliquandiu fuit, in quo Canis ei videtur allatratte, eo quippe significato, ut fidem præstandam in pri-  
mis admoneatur is, qui negotio ejusmodi præficitur.

## FIDES. CAP. IX.

*Fidei in Cap. ne exem-  
pla.*

**E**ius vero fidei ratione habita hieroglyphicum pro amicitia plerumq; Canis ponitur, in qua quidem primum fides expeditur ex Ciceronis & omnium sententia: mox animus, si usu veniat, ad promerendum promptissimus. Mirifice vero spectatur in Canibus illa officiosa adeo dominorum adulatio. At hic mihi temperare nequeo quin amoris & fidei exempla quædam commemorem, quæ in ipsis Canibus elucescere plerumq; compriuntur. Nam Leuctras puellas tres a Spartanis juve-  
nibus quibusdam constupratus, mox occisis & in puteum dejectas indicio Canis Scedaso patri peregre advenienti, & latratu & curatione ad puteum fuisse proditas, nunc dissimulabo alia quædam ma-  
joris forsan admirationis teperiturus. Confosso enim intestinis bellis civi Romano, aijunt non potuisse quempiam caput ejus abscondere, usquequo Canem, qui dominum custodiebat, proque eodem  
rociter pugnabat, ab instantibus interemptum summotumque vidissent. Ambrosius refert, occiso  
Antiochiae milite, Canem cadaveri comitem adstitisse, qui dum ejulatu moesto rapti domini deside-  
rium diu testaretur, ingentem hominum coronam ad fidelitatis spectaculum contraxerit, donec eo  
in specie qui cædem patraverat, in eum insilierit: tamque diu prehensum continuerit, donec re pate-  
facta, percussor sit in supplicium raptus. Illud vero præcipue est admiratione dignum, quod ab Alia-  
no traditum est: Colophonum quandam una cum servo & Cane, mercatum in Joniam concessisse ad  
urbem Theon, cumque servus, qui pecunias ferebat, naturæ satistaeturus aliquantulum à via defle-  
xisset, loculo humi deposito immemorem abiisse, Canem ad ejus custodiā perfusile, donec illi re-  
intecta, quod pecunia non aderant, rediissent, Canemq; in eodem loco apud marsupium offendis-  
sent,